

**სასაზღვრო ზონის აღმნიშვნელი
გამაფრთხილებელი ნიშნის აღწერილობა და ესკიზი
(დიდი ზომის)**

გამაფრთხილებელი ნიშნის დაფა ზომით 100 სმ X 60 სმ დამზადებული 1,5 მმ სისქის მოთუთიებული ფოლადის ფირფიტისგან, ფირფიტას ერთი მხრიდან, მთლიანად გადაკრული აქვს გარე გამოყენების ყვითელი ფერის შუქამრეკლი ფირი (ფერის ტონალობა უნდა შეთანხმდეს დამკვეთთან), რომელზეც ულტრაიისფერი ბეჭდვით დატანილია შესაბამისი საინფორმაციო-ვიზუალური მასალა. ფირფიტას გარშემო შემოვლებული აქვს ალუმინის კუთხოვანებით შეკრული ჩარჩო. ნიშნის დაფა მაგრდება 2.5 მ სიმაღლის ლითონის კონსტრუქციაზე, რომელიც დამზადებულია ფოლადის, მინიმუმ 2 მმ კედლის სისქის 60 x 40 მმ მილკვადრატისგან, რომლებიც ერთმანეთს უკავშირდებიან შედუღებით. ჩარჩო-სამაგრის კონსტრუქცია იღებება ელექტროსტატიკურად (ნაცრისფრად). ჩარჩო-სამაგრი მაგრდება 2 „ფეხით“ მიწაში 60 სმ სიღრმის ორმოში M 300 მარკის ბეტონით. ნიშანი მართკუთხედის ფორმისაა ყვითელი ფონით, წარწერები კეთდება ქართულ და ინგლისურ ენაზე წითელი და შავი შრიფტით. გამაფრთხილებელი ნიშნის ბოლო ხაზზე მიეთითება რიგითი ნომერი და საქართველოს სასაზღვრო პოლიციის მართვისა და კონტროლის ცენტრის საკონტაქტო ტელეფონის ნომერი (შემსყიდველთან შეთანხმებით), ასევე გადაუდებელი დახმარების ნომერი საქართველოში 112.

წითელი შრიფტის ასოების სიმაღლე:

- წარწერა „**ყურადღება!**“ – 12 სმ;
- წარწერა „**სასაზღვრო ზონა!**“ – 3.5 სმ;
- წარწერა „**ATTENTION! BORDER ZONE!**“ – 4 სმ;
- ქართული და ინგლისური შრიფტი (პატარა ასოები) - 1 სმ;
- ბანერის ნომერი - 1.5 სმ;
- ტელეფონის ნომერი - 1 სმ.

შავი შრიფტის ასოების სიმაღლე:

- ქართული და ინგლისური შრიფტი - 1 სმ;
- წარწერა: „სასაზღვრო პოლიცია/BORDER POLICE“ - 1 სმ.

ნიშანი 112 - სიმაღლე 3სმ;

- ქართული და ინგლისური წარწერა - სიმაღლე 1 სმ.

